



Պարույր Սևակ

Անակնկալ հայտնագործություն

Հավատալուց ավելի հեշտ բան չկա աշխարհում,
Ու մտածելն է դժվար, խորհրդածելն է դժվար.
Եվ հորիզոնն ահա՝ մեջս վեճեր հարուցում,
Ապացույց է պահանջում արքիումն՝ իբրև բարդ թեորեն,
Փոխատեղվել են ուզում խորտակում ու կառուցում.
Հավատալը հեշտ է շատ, ու դժվար է մտորել:
Ըստվերներն են լճանում, տակնիվրա կրծքիս տակ
Մենություն՞նն է մամլվում, թե՞ կասկածանքը՝ կոպիտ:
Մի կաղ անձրև է քայլում, մի կույր լապտեր է փայլում,
Ու խաղում է շուրթերիս ապակետիպ մի ժպիտ:
Լուցկին վոթաց ու հանգավ, իմ ծխամորճն է գործում.
Ամերիկյան վայրենիք թող կեցցեն ու գորանան,
Որ թունավոր այս թփով քաղցրացնել են փորձում
Դառնությունը մեր բերնի և օգնում են մոռանալ
Մեր ցավերը...
Եվ սակայն մոռացումից ի՞նչ օգուտ,
Թե՞ աչքերիդ փառ կա հաստ, որ չի սրբվում,
Եվ հոգուդ կայել է մի սարդոստայն, որ հյուսված է մետաղից:
Պաղ շնչի մեջ ճենճահոտ ինչ-որ անմեղ մատաղի
Բողոքական մի քամի իր ուսմունքն է քարոզում.
Եվ իզուր է քարոզում, քարոզումը՝ անտեղի.

Հավատալը հեշտ է շատ, իսկ ես խորհել եմ ուզում...

Ու ես, առանց հանվելու, կոշիկներս էլ ոտքներիս

Իմ անկողնին եմ փովում ինչ-որ թաքուն մի ոխով,

Ճնորթում եմ վերնակիս ստող ծաղկունքը չթե,

Չթե՛ գարուն,

Չթե՛ վարդ,

Չթե՛ ծառեր,

Չթե՛ խոտ...

Ի՞նչ եմ կորցրել՝ չեմ գտնում, ի՞նչ եմ փնտրում ես մթնում

Եվ ո՞ւմ կողմից եմ արդյոք լիագորված տանջվելու:

Ու բարձր, որ գլխիս տակ պիտի դնել, ես հիմա

Գլխիս վրա եմ դնում. նոր խեղկատակ մի հիմար,

Եվ քայլում եմ պատից պատ ու փոխանակ մնջվելու՝

Քրքջում եմ գժի պես,

Քրքջում եմ,

Քրքջու՛մ...

Հետո խմում մի կում ջուր, որ ազդում է ինձ վրա

Ինչ-որ չեղյալ դեղի պես...

Հանդարտվում եմ. կարծես թե ներսս չեն էլ իսկ խառնել,

Անհավասար պայքարից ես հաղթող եմ դուրս գալիս,

Ես հաղթող եմ դուրս գալիս, սակայն լոկ այն ցեղի պես,

Որ թշնամուն կարծես թե մահացու ջարդ է տալիս,

Բայց չի գորում թշնամուց իր դրոշը հետ խլել:

Լուռ եմ,

Թափուր,

Ամայի...

Դաշտում ընկած շշի պես.

Մտքի ոչ մի կենտ կարիճ՝ էլ ու՞ր մնաց թե վտառ,

Ու հասկանում եմ հանկարծ, հասկանում եմ, որ, գիտե՞ս,

Մտածելն է հեշտացել, ու դժվար է հավատալ...